

PATLIASEOEI GELOSOAGAN

Ola tepgenoet galemeoimgeoei tel-
disig, elp Sösepoimgeoei, meta igag
ola pestleoimig 19 tes. tepg. ag tan
telpitögsilitj metj emtögoalot.

Sapeoit Sösep nigani notji apogon-
emoet ola gemetginag ag notji tetögol
apögönemoet santeoi mesta Maoiömig-
teg.

Oigoitjitanetj teli melgigenat Gisol-
gol osgalog ag teli olitelmolg tan tes-
igo. Sapeotigtog eli tgonasitisenel
gitjinal Malial, tögo angoeioasenei Nis-
gam mitjoatjitjel; na negem ögotj san-
geoei nagap ag getleoet tan Gitjisag-
mal ignemasenei ogtalsotemen oig ag
mset oenel ogtelli atgenoatemoan olo
tan tetpigaga; na negem pagalamot
tjinem miamotj maoi emtögoalot tan
ogsagmamel notjeioasenei mitjoatjitj-
eolipenel, Gisolgol gesalsepenel, el-
neogatig ngoti mgitelmoseni tesilipeni,
tan netaoi apögönemoasenei Gtjisape-
eilitjel ogtelogoöoaganigtog.

Teli msegig tög ola sapeoino Sösep,
teli espi nsetoeg, ogtjijitj gino lög gep-
antelmaneno ag gsinol npooitelmane-
no; taonetj metj nigetj ag elmiag
gelotemelseoggoneno Oestaolgoigtog;
npoatolgotj gmatjolgoatemoaneno teli
penögoitelsis, oagamegsep ag petjilita-
sis Gisolgoigtog, tögo nagsi sgatemoas
telgimsepenel; gionagatj teli nenoitel-
mot Nisgameoi oigatigenigtog ogögoa-
tijen ag sapeoin atignetemenetj nespi
sapeoineno, golaman elp nespi npete-
no Gisolg ogsaltimgeoeigtog ag ogsap-
eotimigtog.

GALEMEOIMGEOEL

Gis pögtamiagep galemeoimig sist-
oeieig elogotimgog.

Ola nagoeg **Tepgoantimig** teloitem-
og, tllisipögotj igatimg tepgoan monot
jeg, telegsepenig negela sagaoegig oeli
oniapsoltitig, pemi galemeoimigel siao
tiatgitemoltisenig. Patlias tepgoan
igatoetjel et: 'Migoiteten, elnoin, gil
in pa sig tepgoanin, tjel tepgoanigtog
minoi gioansgasitesg;' teli migoitete-
molg tan gis mset teli ilsomgsooltigo
npoaganigtog, eloeoti telalnogsep; og-
tjijitj tög npoagan gtelaptemeneno is-
tege andlaspooagan, ag gtol mnenemeneno
tan pa tllisip igaga; metj aptj nigetj
gpögtji aniapsoltineno tesigisgeg **Son-
eomigel** ag tapogonag goeltamimgel,
sisteoei eta ag goeltamoltimg, gisi pgo-
atogo; tan ögotj oasam maltjeoetj me-
nag tapoisgegiponaog tjel neogt, gis-
na epit pemaloetj gisna nosesgoetj, elp
eta tanig lög atigentemittij mtol log-
öoagan gisna tanig amaseg ell mteme-

tatjig telegig mo pa gisi soneoitig; me
sgato tesit oen natji ginoatoatj pat-
liasel, golaman ma gsepogoalsiog ag
ma peli aniapsiog.

Ln ögotj miamotj gtjijitonetj, nig-
matot,—lei mesgig teli patatög tan
peli soneoit tjel neogtgonag mo tjela-
tog, ag tesogonag potematj tes jiloei
eloeoti; 2ei, tan soneoit pa sig neogt
oatjoatag, natami aniaolagoeg; tögo
oelagoeg gitjigatj gisi malgotg natami
agataig engatigen; ag elp esgitpog gtol
nsamogoatj gögoetjijitj ag mestögölem-
atimg mitjijitjeoei mögoetj atjgenenog;
sgato me pigoelatalg patatacit;—3ei,
ngotei patateget tan emitogoalatjel ol-
tji galtititjel gisna oigomatjel oposga-
talaneo tan tllisip mö tetapoianog;—4ei,
patategetj tjel tan oen soneoit, tögo
neogt sinioa posgi ilasgoeot, amalgat,
einasis, getanget, pilsimoet, elotemag-
aniget, matnapget, tjel tlia pa sig ma-
leg; ln ögotj soneoti miamotj aniap-
simg, oetgölsimg ag natoötegemg;—5ei
mögoetj inim oelapetemog soneotj og-
tjijitj oasög tan mo oelitetemogoi onma-
tjöttil meloittj posgi anselapogoeitj.—
Telgig oetgölnög patlias pögtji galemeoimigel,
telgig telgimolög, tliatj mo
negem, meloittj Sesogoli, tan temg son-
eois ag goeltamis glapis 40 tesogonag
ag tesitpag ln pa mögoetj gögoei mes-
atogsep, na negem giasgio, telimolög:
'Tan getoi nigatneittj, mimogoalsitj,
soatotj tög pemnigatj ogtlotjjeoeim ag
nosogoitj, ln ögotj tan oen msonitetg
ostaoiton ogsitgamogoeoi ogmimatjoa-
ganem entoteo, ag tan oen na gtol en-
tög ogtjijitj nin ostaoitoteo; meta tala-
pesis lno gagi ganleoittj tesigel ogsitga-
mogeoei, tögo natj ogtjijitjagamitjel,
gisna gögoei gisi ignemoetoteo ogtapa-
tji msenan ogtjijitjagamitjel? meta lno
ogoiselli pögsinteo otjel gsgaelmegso-
tigtog ag nespi maol patjitatag otansa-
lemittij, tögo tllisip mset oenel apangit-
oatal tan tellogoelittja.'

PAGEOIMGEOEI miamotj elogoate-
meg elmi galemeoimigel, netna oeli pa-
gapogoeimg ag gemnieoimig mo gtesgip-
esoltip, nigmatot, ogtjijitj metj ogtol-
ten gsoneotioöo, gesg metj oagameg
gamiamooal. Tepetog gionagatj oin-
pasoltigo getel pa gioansgitaneo lami
gtjijitjagamitjoag, pageoimig ögotj tel-
oeg atjatimg netna menagatj eloeotiei
npoaganigtog ogtjijitj atjtago sapeotiei
mimatjoaganigtog, ogsitgamogeoei po-
nitetemog ag oasögligtogel pilli gisita-
soltigo. Log tllipatemog gsegeoi gem-
nieoltineo; mo pa mimatjoagan ogtjijitj-
atöög: 'Tan mo gigoatj tllislog, Pöl
teloet, onmatjijitj llsotagan malgötg ag
nesamogoatg ogtjijitj eta mo tepgisi mi-